

中華書局 編

稀見明史
研究資料五種

②

中華書局

中華書局 編

稀見明史研究資料五種 ②

中華書局

第二冊目錄

大明太祖皇帝御製集二十一卷存十八卷(二)

卷五 勅三 三

卷六 勅四 六三

勅五 一二七

卷七 制 一五五

檄 一六〇

賜書 一六七

卷八 誥命一 二八七

卷九 誥命二 三四九

卷十 勅命 三八九

卷十一 樂章 四一七

祝文 四三一

祭文 四五六

大明太祖皇帝御製集二十一卷

存十八卷（二）

〔明〕太祖朱元璋撰

明內府抄本

大明太祖皇帝御製集卷第五

勅三

勞大將軍徐達勅

古者帝王之興必有命世之士以為輔佐成周伐罪鷹揚奮興。炎漢仗義羣策畢舉所以克集大勲肇基隆祚者也。將軍自昔相從忠義出乎天性。然且沉毅有謀端重有武。故能過絕亂畧消弭羣慝建無前之功。雖古豪傑之士不能過也。今尅期來所請事悉欲稟命而行。此賢臣事君之道。吾甚嘉之。但所請事多可便宜行者而識慮周詳不肯造次有違誠社稷之慶邦家之福。然將

在外。君不御。乃古道也。自後軍中緩急。將軍從宜行之。

勞平羗將軍御史大夫丁玉勅

舊歲妖人作亂。命爾西征。爾跋涉山川。究心日夜。奮揚威武。剿絕其類。以除民患。朕甚爾嘉。以今觀之。非惟人事之當然。實天有以相之也。始妖人暗搆。愚民已有年矣。土民因而作亂。乘時蜂起。爾之未至四川也。指揮音亮等用師不律。致妖人殺害良民。至今猶未加刑。故特遣人勞爾之功。命以軍法從事。夫國之用將。所以捍禦姦侮也。如亮者。安能保其祿位乎。罪不可宥。如勅行之。

勞江陰侯吳良勅

昔者朕與羣雄爭命卿藩東鄙既而徃戍高深城隍沃
野開闢當是時朕用事於荆楚樂無東顧之憂遂滅荆
楚之妖雖諸將効力於西卿保東藩為重終首尾內姦
無出外姦無入可謂智矣天下平卿爵侯封乃朕報功
也前者第七子搏封為齊王特與卿結姻就命卿如齊
肇造宮殿今將新年遣人賜酒禮以勞齊王幼而無知
亦也專人行禮若體之歡心則豪英之氣暢矣故茲勅
諭

勞宋國公馮勝勅

卿久鎮河南軍民安妥邇者大將軍魏國公於將印不

懸召卿歸提調掌督天下軍馬。卿至京已日久矣。於勞未勞。今特遣人賜羊酒當精羞以享。故勅勞之。

勞穎國公傅友德勅

昔者將軍奮起草萊。校歷羣雄。數觀成敗。跋涉山川。久戰之餘。勢孤力寡。不足以展其志。而至吾麾下。當是時。論興廢於軍門。朕知可將。於是推赤心於將軍。命隨征虜將軍四征。所向無前。及其覘視中原。即獲王氏首陣。帥首李二等俘斬三千餘。皆將擒至。大將北征。將軍每在前鋒。身無不捨。患無不竭。可謂忠勤矣。朕聞之於心。默默然而有嘉。所以特命自將由關內而入西蜀。蜀平。

矣。號令之明，三軍感激。前者黔中，群將未附，翼其將而往討之。轉戰崇山，二載有奇。諸蠻率服，所守之郡無不深高城隍，開邊之勞，備禦之筭，公若是歟。及其師旋，將三年矣。今年命將軍等相宅鄉閭，衣錦而歸，祖業以報。眠霜卧雪之勞，聞伏暑為癘，命醫診視，奏無恙。特遣人齎醴以勞將軍，享馬故勅。

勞征南將軍潁川侯傅友德、永昌侯藍玉、西平侯沐英等勅。

卿等提兵深入，振揚國威，擒首帥於曲靖之西，敗烏蠻於可渡之北。席卷長驅，掃金馬碧雞，而撫金沙。至於金

齒不戰而服。檄定百蠻。威來八譯。將軍之勞至矣。欲勞以尊。酒遠不能及。特以朕心勞之。尚勛之哉。

勞魏國公徐達勅

功聞上下。勞悉民知。兩封人慾。秋毫無犯。其為聖智乎。今九夷八蠻。大者畏力。小者懷德。非將軍忠誠昭明。耿耿至勞。為逸何由臻此。邇聞瘡患。肌膚其本。康泰初朕但聞於心。恐馬特遣將軍世子持朕至意。卿悅且安。故勞。

勞大將軍永昌侯藍玉等勅

周秦禦胡上策。無聞漢唐征伐。功標衛李。宋窘於遼。金。

戰將被堅無措民疲轉運歲愈多艱終被元代謀臣妄
誕貽笑至今朕曩為逐胡塞外胡人復立王庭意謀不
靖朕在青年恐後轉勞軍民於是命爾等副宋率甲士
數十萬控弦北征二十年遊騎至金山之左爾玉親拘
納哈出來降今二十一年爾等躬擐甲胄列絳旄而英
風倍舉偃旗幡而妙算神樞披星於背戴月於首跨駿
騎以彎弧馳衰草之連天兼程並進邇來捷至乃知穿
地取飲禁火潛行越黑山而北趨追輪蹄之新迹馬飲
卜魚之海爾等撫雕鞍以騁懷遊目遙觀見鹽廬星列
紫駝起伏而彌川會謀諸將定遠等左右副左右叅朕

聞率遊騎五千直抵穹廬胡王棄寶璽而潛奔諸王駙馬六宮后妃罄塞胡民盡皆歸附雖漢之衛青唐之李靖奚出其右爾等孰不以為邁孫吳者也今遣通政使司通政使茹瑺前望江縣主簿宋麟齋勅往勞故諭

勞涼國公藍玉勅

朕昔率師渡江諸將為朕股肱者獨中山武寧王開平忠武王材勇謀畧出諸將上凡受命征討未嘗挫衄二王繼逝求其統御三軍如二王者蓋亦少矣往歲嘗命爾副穎川侯率師討不庭於黔南不數月而捷報黔南既定命爾副宋國公北取金山遂掩襲虜庭大捷而還

方之二王亦庶幾焉。今年又命爾整兵燉煌酒泉使者
至言爾中途墜馬右臂微恙。故特遣使往勞。爾其善自
調護。以稱朕委任之意。

勞安慶侯仇成勅

爾成始自開國至今內外勤勞。未嘗有憚。邇年以來。雖
然太平。四夷微有弗庭者。爾連年遠鎮邊陲。或東或西。
或南或北。或征或成。常無寧時。近者誠然清寧。兵無所
用。朕將張皇六師於守衛。脩文德以安黔黎。爾雖在壽
年。正當肥馬輕裘。享太平於高歲。邇聞有疾。遣人齎醴
以勞。嗚呼。疾之由無他。由擲風沐雨。卧雪眠霜。以致然

也。且昔者勤勞。今為民福。勲著大廷。功標鐵券。丈夫之志慨然哉。微疾雖臨。精加調護。聽醫者之所忌。則無恙矣。故勅

賜潁國公傅友德昨勅

邇自故鄉歸。嬰疾無恙。朕為慶幸。然其疾多因偃兵之勞。若是亦必開邊之勤。有此風櫛雨沐。飲食非時。非一朝一夕。雖然。人若功著。人神必得其位。必得其祿。壽康寧。惟降自天。今康寧矣。清晨祀于

山川等神。爾弗與所有神。留福昨遣人送至爾。其享焉。故諭

賜魏國公徐達胙勅

農作將興。今日吉時。良照年禋祀。

歲君風雲雷雨岳鎮海瀆之神。酬于先農。為民祈穀。神賜之胙。與卿同享。虔恭神福。故勅。

賜信國公湯和胙勅

勞安海內。成我大明。功列元勳。垂名萬世。近聞微疾。未瘳。遣官賜胙。特勞將軍。卿潔厨竈。精羞肴饌。節時調理。康矣。故勅。

賜誠意伯劉基還鄉勅

朕聞古人有云。君子絕交。惡言不出。忠臣去國。不潔其

名。爾劉基括蒼之士。少有英名。海內聞之。及元末羣雄鼎峙。孰辨真偽者誰。歲在戊戌。天下正當擾亂之秋。朕親帥六軍。下雙溪而有浙左。獨爾括蒼未附。惟知爾名耳。吾將謂白面書生。不識時務。不久而括蒼附。朕已還京。何期仰觀俯察。獨斷無疑千里之餘。兼程而至。謁朕陳情。百無不當。至如用征四方。摧堅撫順。爾亦助焉。不數年間。天下一統。當定功行賞之時。朕不忘爾從未定之秋。是用加以顯爵。特使垂名於千萬年之不朽。勅歸老於桑梓。以盡天年。何期禍生於有隙。致是不安。若明以憲章。則輕重有不可恕。若論相從之始。則國有八議。